

MINISITERAN'NY FITATERANA SY NY FAMANTARANA NY
TOETRANDRO

SEKRETARIA JENERALY

FOIBE FAMANTARANA NY TOETRANDRO

FITALEAVANA NY FIKAROHANA SY FAMPANDROSOANA
HYDROMETEOROLOJIKA

SAMPAN'ASA MISAHANA NY FAMPIHARANA NY TOETRANDRO

GAZETY ISAM-BOLANA MOMBA NY TOETRANDRO SY NY FAMBOLENA

Nivoaka ny 08 Septambra 2025


Fintina:

- A- Toetry ny rotsakorana volana Aogositra 2025.
 - B- Jery todiky ny toetrandro sy fambolena volana Aogositra 2025.
 - D- Vinan'ny rotsakorana ho an'ny volana Septambra 2025.
 - E- Vinan'ny toetrandro manoloana ny fambolena ho an'ny volana Septambra 2025
- Torolàlana ho fanamorana ny famakiana ity gazety ity.
Fifandraisana


A- TOETRY NY ROTSAKORANA TAMIN'NY VOLANA AOGOSITRA 2025

Tamin'ny volana Aogositra 2025 dia nahazo orana ireo faritra manamorona ny morotsiraka atsinanana ankoatran'ny ampahan'i Sava sy Atsimo Atsinana ary Anosy (mihoatra ny 100 mm). Ho an'ny faritra sisa kosa dia latsaky ny 50 mm ny rotsakorana azo (*Sary 1*).

Raha ampitahana amin'ny orana azo tamin'ny volana Aogositra 2024 ny rotsakorana tamin'ny volana Aogositra 2025 dia maina kokoa ny faritra Atsinanana sy Anosy, ary mando kokoa ho an'ny faritra Vatovavy sy Analanjirofo. Ho an'ny faritra sisa kosa dia tsy nisy fahasamihafana izany (*Sary 2*).



Sary 1. Rotsakorana ny volana Aogositra 2025




Sary 2. Fampitahana ny rotsakorana Aogositra 2025 sy Aogositra 2024


Araka ny tondron'ny hain-tany SPI1 dia hita fa maina ny volana Aogositra 2025 ho an'ny ampahan'ny faritra Sava, Atsinanana, Alaotra Mangoro sy Atsimo Atsinanana ary Anosy. Maina kosa na nanakaiky ny tokony ho izy iny volana lasa iny ho an'ireo faritra hafa manamorona ny morotsiraka atsinanana (Sary 3).

Raha ny tondron'ny hain-tany SPI3, izay mampitaha ny fitambaran'ny rotsakorana Jona sy Jolay ary Aogositra 2025 amin'ny ny rotsakorana tokony ho izy nandritra ireo telo volana ireo, no jerena dia hita fa maina noho ny tokony ho izy ny ampahan'ny faritra Diana, Sava, Analanjirofo, Alaotra Mangoro (Mangoro) sy Atsinanana ary Anosy. Ho an'ireo faritra hafa manamorona ny morotsiraka atsinanana dia mando ireo telo volana lasa ireo na nanakaiky ny tokony ho izy (Sary 4).

Fanamarihana: Raha kely ny rotsakorana tokony ho izy (pluie normale) ao anatin'ny volana na telo volana ho an'ny toerana iray, dia mila fitandremana ny fampiasàna ny SPI. Mety tsy afaka ho ampiasaina mihintsy aza izany. Ireo toerana ireo dia voaloko volon-davenona.



Sary 3. Tondron'ny haintany SPI1 Aogositra 2025



Sary 4. Tondron'ny haintany SPI3 Aogositra 2025

Fotoanan'ny fanaovana voly avotra sy fanomanana ny taom-pambolena hoavy izao.

D- VINAN'NY ROTSAKORANA

Ho an'ny volana Septambra 2025 dia vinavinaina hahazo rotsakorana hifanaraka na hihena kokoa noho ny tokony ho izy ny faritra Boeny, Menabe, Betsiboka, Vatovavy, Fitovinany, Atsimo Atsinanana, Anosy, Androy ary ny ampahan'i Atsimo Andrefana. Hifanaraka na hanatombo noho ny tokony ho izy kosa izany ho an'ny faritra sisa (Sary 5).

Septambra 2025



Hanatombo kokoa noho ny tokony ho izy

Hifanaraka na hanatombo kokoa noho ny tokony ho izy

Hifanaraka na hihena noho ny tokony ho izy

Hihena kokoa noho ny tokony ho izy

Sary 5. Vinavina isam-bolana ny mety ho tahan'ny rotsakorana.
Loharano: Ny mety ho fizotry ny tonontaona. (DGM/DRDH/SVRC)

TOROLALANA HO FANAMORANA NY FAMAKIANA ITY GAZETY ITY

TOETRY NY ROTSAKORANA

Hafoloana: Fe-potoana 10 andro misesy .

Hafoloana voalohany: Andro voalohany ka hatramin'ny andro fahafolo ao anatin'ny volana (01-10).

Hafoloana faharoa: Andro faha iraka ambin'ny folo ka hatramin'ny andro faha roapolon'ny volana (11-20).

Hafoloana fahatelo: Andro faha iraka ambin'ny roapolo ka hatramin'ny faran'ny volana (21-faran'ny volana)

Rotsakorana manan-danja hoan'ny fambolena: Izany hoe ny fatran'ny rotsakorana misy fiantraikany eo amin'ny hamandoan'ny tany na dia eo aza ny fientonan-drano.

SPI (Standardized Precipitation Index):

Ny SPI dia tondro maneho ny fatran'ny tsy fahampiana na ny fahamaroan'ny rotsakorana mandritra ny vanim-potoana iray mitaha amin'ny fatran'ny rotsakorana tokony ho izy. Ny tondro SPI ihany koa dia ahafahana miantoka ny fanaraha-maso ny vanim-potoan'ny fahamandoana sy ny fahamainana.

Mamaritra ny fiovan'ny rotsakorana isam-bolana ny SPI1 ary manamarika ny fiovan'ny tambatry ny rotsakorana telo volana kosa ny SPI3.

TOETRANDRO ANKAPOBENY MANOLOANA NY FAMBOLENA SY NY VINAVINA MIFANDRAIKA AMIN'IZANY

Ireto andininy manaraka ireto dia natao ho fanaraha-maso ireo karazam-boly an-tanety roa dia ny vary sy ny katsaka.

Ny halavan'ny tsingerin'ny voly izay arahi-maso:

- Voly vary miankina amin'ny rotsakorana:
 - 100 andro ho an'ny faritra Androy sy Atsimo Andrefana.
 - 150 andro ho an'ny faritra Alaotra Mangoro, Analamanga, Bongolava, Itasy, Vakinankaratra, Amoron'i Mania, Matsiatra Ambony, Ihorombe.
 - 120 andro ho an'ny faritra sisa.
- Voly katsaka miankina amin'ny rotsakorana:
 - 90 andro ho an'ny faritra Atsimo Andrefana et Androy,
 - 120 andro ho an'ny faritra sisa.

Fanombohan'ny vanim-potoana hita fa mety amin'ny famafazana : Hafoloana ahafahana manao ny famafazana noho ny fahafenoan'ny fepetra rehetra takian'ilay voly. Tsara ny manamarika fa ny fitambaran'ny fatran'ny rotsakorana sy ny fahatomombanan'ny filàna rano eo amin'ny voly anakiray no mamaritra ny fepetra takian'ny famafazana.

Araka izany, ny **"Tsy mbola mamafy"** dia midika fa tsy mbola voatondro ny daty fanombohan tsara ahazoana manatanteraka ny famafazana manoloana ny fitiliana sy ny vinavina rehetra natao.

Tondron'ny fahatomombanan'ny filàna rano na WRSI: Famantarana ny fahombiazan'ny vokatra araka ny fisian'ny rano.

Dikan'ny maribolana amin'ny tondron'ny fahatomombanan'ny filàna rano:

Tondron'ny fahatomombanan'ny filàna rano	Dikany
Tena tsara	Nahafa-po ny rano tamin'ny volana lasa ; ary mbola mahavaly ny filàna rano ny voly ny tahirin-drano anaty tany amin'ny volana manaraka.
Tsara	
Tsy ampy	Tsy nahafeno tsara ny filàn'ny voly ny rano tamin'ny volana lasa. Raha mitohy io tsy fahampiana rano io amin'ny volana ho avy dia hitombo ny olana sy ny fahapotehan'ny voly.
Tena tsy ampy	Raha mitohy ny tsy fahampiana rano amin'ny volana ho avy dia hitombo ny olana sy ny fahapotehan'ny voly. Ambany loatra ny tahan'ny rano voatahiry anaty tany hany ka tsy afaka miantoka ny filàn'ny voly intsony.
Fahalazoana	Nahitana olana ny rano tamin'ny volana lasa ka mety hiteraka fahaverezan'ny vokatra. Mety hitarika fahalazoan'ny zavamaniry sy fihenana'ny vokatra ny fitohizan'izany haintany izany.
Fiandohan'ny famafazana izay tara na tsy voafaritra	Tsy mbola voafaritra ny fotoana tsara hanombohana ny famafazana ary tara raha oharina amin'ny mahazatra na tsy mbola voafaritra ny fanombohana tsara amin'ny famafazana amin'ny vanim-potoana voatondro.
Fiantombohan'ny vanim-potoana azo antoka amin'ny famafazana	Tsy mbola voafaritra ny fotoana tsara hanombohana ny famafazana fa tsy tara raha oharina amin'ny mahazatra.

Vinan'ny toetry ny andro manoloana ny fambolena: vinavina ny fanombohan'ny vanim-potoana tsara ho an'ny famafazana/fambolena sy ny tondron'ny fahatomombanan'ny filàna rano ho an'ny volana ho avy mifanaraka amin'ny vinan'ny rotsakorana ambany indrindra ho an'io volana io.

Fisoratana anarana hisitrahana ny gazety isam-bolana momba ny toetrandro sy ny fambolena

Manasa anao handefa ny mailaka amin'ity adiresy ity smameteo@gmail.com, miaraka amin'ny antony : 'GAZETY ISAM-BOLANA MOMBA NY TOETRANDRO SY NY FAMBOLENA' – Fisoratana anarana »

Fifandraisana

**Rantsana misahana ny fambolena sy ny toetrandro
Sampan-draharaha misahana ny fampiharana ara-toetrandro
(S.A.M)**

smameteo@gmail.com

034 05 027 44

www.meteomadagascar.com